

湖北府縣志輯

中國地方志集成

同治漢陽縣志(二)
同治漢陽縣志校
光緒漢陽縣志

中國地方志集成

湖北府縣志輯 ⑤

同治漢陽縣志(二)

同治漢陽縣志校

光緒漢陽縣志

江蘇古籍出版社 ● 上海書店 ● 巴蜀書社

續輯漢陽縣志卷之二十一

文苑志敘

炳長江廣漢之英靈而嵯峨大別復崇峙於其間以是揚清滙淑吐納菁華洩諸人文則必有大雅宏達銜華佩實者蒸蒸日上蓋地氣然也夫均之文也而能立言者尚焉必其闡明乎道德經緯乎事功始足預於不朽之列不然雖窮極侈麗雕琢粲詞譬若金舟玉馬僅足飾觀安能取道行遠哉惟夫俊偉鴻通之士仰探聖賢遺緒而包舉體

續輯漢陽縣志

卷二十一 文苑

一

國匡時之大略然後發爲文章施之當世適於用傳之後世其詞義雄深猶足興起乎後來之豪傑如是乃堪不朽耳至其體則有兼長亦有專家不能一也大率分著述詞章爲兩途今萃而錄之以此爲先後蓋英彥之薈雅才爲多矣志文苑

唐

鄭錫字正則其先滎陽人季父官於漢遂家焉大歷中舉進士詩在十才子伯仲間樂府五言尤工

五代

王仁裕字德肇漢陽人初爲秦州判官入蜀從王建

西蜀歸唐後歷晉漢充翰林承旨一時制誥皆出其手劉漢時知貢舉取士二百一十四人王溥爲狀元和凝范質皆在選後俱爲名相漢加兵部尚書周加太子少保致仕有紫泥西江集十國春秋記仁裕少時夢剖腸胃以西江水滌之顧見江中砂石皆成篆文由是文思日進平生作詩逾萬首

宋

楊大昌字正之居魯山下與姜夔白石交夔懷以詩

續輯漢陽縣志

卷二十一 文苑

二

曰促絃調寶瑟哀詩感人多可想見其爲人矣

辛泌字克清善詩卜筮滄浪之曲頗參禪理姜白石亟稱之

元

景厚字德載領鄉薦至京師中書左丞許有壬師之

明

趙蕃教授弼之子服膺家學頗有文名舉正統辛酉鄉試戊辰成進士授主事未究其用卒士林惜之伍偉字良臣博學能文朱御史寵會僉事庭芝皆出

其門嘉靖壬午中省試教授建甯聘爲江西分考
由縣令遷府同知所至有聲受業者接踵

蔡幾字國成舉嘉靖壬子鄉試令望江量田均賦縣
人賴之爲人孝友沈毅篤志好學嘗手纂先儒語
錄題曰守身通論子三近貢生三復舉人衢州知

府孫溶如

蔡溶如字元度博雅能文以貢爲湘陰教諭流離滇
越晚乃歸里嘗大雪絕炊作四無詩以見志學者
爭相傳寫性耿介不妄取雖困窮泊如也一夕無

續輯漢陽縣志

卷三十一

文苑

三

病卒

朱宇字軫野爲邑諸生有聲以恩貢任訓導免歸風
調俊整議論英發官不償才人情惜之

吳極字元無萬厯丙辰進士就南武學教授厯南監
助教戶部主事員外出知揚州府未任改廣南旋
引歸性恬退居官每辭劇差林下二十年刻意著
述所編石經大學疏旨等書皆有功聖教者

劉成美字大卿博覽多學尤工詩刻意三唐多驚人
語萬厯中舉於鄉由河源知縣厯官蘇州同知

李自玉字無取少侍父官舍聞榜掠聲輒流涕不自
安未幾告歸讀書邑蝙蝠山下以明經就職不赴
攻苦喪明猶日夕陳書使人朗誦於前嘗曰吾學
得力於盲後者居多子以笏邑庠生精醫有賢名
避仇徙孝昌

陳明德以歲貢爲辰州教授能文有行師範卓然萬
厯閒重修郡志佐秦聚奎載筆稱勤篤云

勞長祚字元錫自少爲諸生有文名與熊彥升計開
之堵四甫諸人爲別山一社萬厯丙午科得而旣

續輯漢陽縣志

卷三十一

文苑

四

失遊其門者多成名進士年四十卒識者惜之詳
載孫必達家傳

王光裕字謙甫少奇雋發言成章旣長畱心理學懣
山張緒負氣節慎交遊獨喜與光裕往來講論以
貢官州同

熊鳴盛字彥升問學該博中天啓辛酉鄉試座主繆
昌期器重之辛未下第歸忽忽不樂語人曰天下
事可知矣遂不復上公車未幾卒子伯龍見鄉賢
王珍字章甫少英異從蕭良有郭正域學爲詩文構

水明樓閣葵園與李贊謝三秀潘之恆袁宏道兄弟流連唱和詩清麗有晚唐風以貢入太學官華州牧遷成都同知卒子應振貢士官教諭

劉元命字亦存舉天啓甲子鄉試以詩文名江漢間縱遊吳越聲望益起久困公車不遂其志而卒

魏晉封字賞延工舉業兼善歌詩崇正丙子中鄉試獻賊破武昌晉封作戰城南哀江南詞以寫其憤草檄計圖起義以母老不果旋天死弟晉疆見後陳東之字百川性耽經史喜吟咏以歲貢任西安訓

續輯漢陽縣志

卷二十一 文苑

五

導

袁楫字汝濟蕭司成良有甥少與齊名司成魁天下爲祭酒楫尙頽然諸生行歌坐嘯意殊不屑也晚好談兵究經濟之學萬厯中朝鮮陷於倭來請救士爭以韜畧自見其友王衫微風楫報書其有識

王家謨字爾範靖難死節翰林修撰王叔英七世孫也少孤事母李氏艱苦備至性聰敏讀書過目不忘十一補弟子員十二食餼天啓間崔魏擅權東

林福作遂絕意進取嘗曰吾忠貞後豈可隨時俯仰然當此而危言危行是速其禍以貽寡母憂也授衡州府學教授不赴隱居講學尋社諸君子師事之子世顯見鄉賢世篤辰溪訓導

國朝

蕭企昭字文超少穎悟十行俱下順治丁酉副榜貢太學著燕臺制義名動公卿相國熊文端尤器重之崑山顧林亭炎武學蓋一時企昭往復討論於周易河洛圖性理諸書頗有解悟嘗作已說以聞

續輯漢陽縣志

卷三十一 文苑

六

五子之與又以學莫先於辨志作定志說年三十二卒子元亭歲貢生

吳宗翰工詩詞尤善繪事得宋元人筆意好篆刻凡金石遺文必考究摹擬期於逼肖乃止性揮霍常思得一任繁劇以展抱負後由歲貢謁選授彭澤知縣南還赴任過橋馬驚沒於水

吳鍾藩字介仲順治四年選貢廷試第一授通判補常州職司水利鍾藩廉隅自矢公項微不足卽以耗羨充之絲毫不入私囊致政歸以經學訓後進

諭八句卒

王文林字瓊浪歲貢生嗜學善談名理高攀龍檄入濂溪書院名稱甚盛順治中除知武平抗直與上官忤致仕歸

堵維垣字四甫八歲喪父事母孝從世父受學好呈極洪範河洛諸書不欺暗室曾還賈客遺金以歲貢官教諭子疑乙未進士官陝西學道未任

王士乾字懷人陝州牧家賓子嗜學有大志夜燃二香課讀母憐之暗截其半士乾乃暗畱香待母寢

續輯漢陽縣志

卷二十一

文苑

七

復燃以讀崇正己卯舉於鄉爲賊梗未與計偕入國朝兩赴春官不第任孝感教諭受勉訓者皆有名久之移長沙府教授令有以墨被劾者仗士乾排解不得波及成獄子戡徒步走京師訴父冤事乃解士乾潛心述作文居尋社之首所至諸巨公皆折節下之官不償才顛躓抑鬱以歿戡兒後

李以篤字雲田太倉守世鰲孫性骯髒坦率嗜讀經史諸子百家從衡案閒文多奇趣不屑科舉程式長垣邵公煥元督楚學謂人曰吾按視十五郡漢

陽李生其最也以資深貢太學輦下名人爭相招致篤落落然也久之不中益放情詩酒自號老蕩子縱遊吳越傾囊不惜置姬寶鏝婢掃鏡相與博奕飲酒賦詩合肥龔端毅作老蕩子失意行贈之子序韓寶鏝出見方技弟以籍亦有文名

蔣鳴奎字西章幼通孝經小學十歲陷賊中凍餓四十餘日得疾父母不忍令就學嘗竊燈夜讀補郡諸生益肆力六經性理子史諸書所坐一室顏曰思過間有感發隨註於冊皆身心性命之要書法

續輯漢陽縣志

卷二十一

文苑

八

似米得者寶之子二次魯傳見後

李國甯字萬咸少穎悟讀書五行俱下年二十通六經一日作十數藝貢太學舉順治辛卯京闈鄉薦會試不第歸閉戶著書不與外事郡守邱公俊孫極重之嘗致書稱其文沈鬱淵摯力抉理奧能補注疏所不及至其微事論古尤中機要知言者避之

盧乾元字萬資順治己亥進士由庶吉士改刑部主事遷工部員外郎博學能詩五律號長城書得鍾

王法年四十一卒於官子禔祺皆有聲巽序

劉賁受字魯浦戶部正郎成治子年十五隨父官南都會學使合試天下流寓賁受首選入

國朝舉康熙戊午鄉試任會同教諭兵燹後士習文風皆靡賁受諷明倫理嚴立課規其俗爲變嘗曰文以明道何分古今於制藝尤精晚年爲詩歌古文詞自運機軸子一鵬一鳳皆有名卒年七十二王徵君志其墓

王三登字來碩少孤篤志沈誦遠大自期十九補邑

續輯漢陽縣志

卷三十一

文苑

九

諸生秋比副卷者再不獲舉刻勵爲詩古文能窺名家闢輿晚年參釋佛乘於卽色卽空之旨自謂頗有會心年七十無子卒之夕朗吟曰有兒固好無兒奈何唐陵漢寢究竟消磨白雲堆裏笑呵呵打破麵糊盆王來碩原不是我

龔臺字南白邑諸生少與王三登齊名相砥礪爲先

輩大家之文嘗自敘畧曰求聖賢神理所在不至踰越尺寸而又不沾沾於近小竭才窮力一暢其欲罷不能之樂有抄集散在藏書家無子不傳

龔通開字坦書少穎能文弱冠餽於庠屢應鄉舉不

中以資深貢太學與同里王三登朱天慶李以篤廬乾元講求古學郡守陳公國儒聘修府誌有稱詩清麗似宋人古文詞安雅可誦

李必果字仁熟大理卿昌祚子幼敏慧十歲入庠博學有智畧曾預修省郡二志性孝友撫弟睦族鄉里亟稱之子咸有乙丑拔貢安化教諭西有鄖陽訓導孫能哲

劉一泰字亨人光祿署丞觀光子觀光遇盜於室驚

續輯漢陽縣志

卷三十一

文苑

十

悸卒葬孝感一泰慟之因號念還生平好學多厚德宗祠家譜竭力創修裁成族中子姪不遺餘力劉氏人文之盛一泰有力焉中順治丁酉副榜例任學官不就康熙壬午年七十一復以副薦功名之志乃已又十四年卒子嘉詠丙子舉人任安陸教諭有文名與同里勞必達孫章稱禹峯三子嘉謨湘陰教諭嘉註主簿

朱國俊字甸方川東兵備副使祚宏子崇正中補邑諸生兩舉不第遂棄去性嗜詩好遊因父殉難蜀

中益肆志遊覽滇黔蜀晉吳越豫章所至輒成集
晚結茅真山精研佛乘詮釋元奧足跡不及城市
年七十五無病卒幼子士曾亦善詩

譚鳳祥字韶成少孤依兄鳳楨割股愈母疾弱冠食

餽鄰庠詩清新似劍南書法尤近南宮以資深磨

歲薦兩爲飲賓卒年七十七子理有癩疾著述多

散佚不傳

王戩字孟穀少好學自命不苟十二補邑諸生有名

遊長沙作嶽麓詩新城王尙書士正激賞之中康

續輯漢陽縣志

卷三十一

文苑

十一

熙戊子副榜舉山林隱逸未赴生平鷺手爲活足

跡半天下落筆千言脫稿輒流傳尤刻意詩歌源

流派別矚如指掌士正序其集謂根底經史傳以

興會啣華佩實大放厥詞其沌陽山行之作馳騁

筆力突過歐陽廬山高譚藝家題之年逾七十卒

江漢字天際幼孤撫遺編輒涕泗年十六食餽郡庠

以資深貢成均性孤介舌耕養母不圖非分制舉

業根柢六經旁貫諸家遊其門者悉有稱十八棘

闥不中遂澹進取肆力詩古文辭得作者閭奧年

六十卒

蔣魯傳字東衍性澹泊不樂舉子業究心詩古文詞

及金石文字出筆悲壯多自得語書法尤有師承

嘗言玩古鼎而字學益進著易經備義嘗攜遊江

左蘇撫張公伯行見而善之

龔相字軒六勤學夜讀達旦食餽膠庠有聲從遊數

百人多知名者相有至性卜先人宅兆未吉輒垂

泣同祖兄宰安邑以事去官相往省值山谿驟漲

徒跣涉之得風恙卒

續輯漢陽縣志

卷三十一

文苑

十二

彭心錦字擬陶幼冒熊姓晚乃復舊敏好學年十齡

就傳僧舍雞鳴卽起竊佛香照讀師奇之二十八

貢太學爲黃岡王少宰封澫所知嘗爲編次華寶

集商推之益居多康熙己卯已中京闈時孝感居

政府以舉其家子弟爲嫌折卷易去晚入蜀大僚

延爲子師兩月託病歸未幾大僚官敗幕多株連

錦獨免識者比之唐子畏云

王甯字子安少補諸生有名邑讀書家以甯擁皋比

爲重詩文清麗如精金美玉書法出入洛神樂毅

識者尤愛之年五十七卒

許之楨字甯友爲諸生高第先後督楚學者咸招致衡文有明鑒稱郡守郝公士鐔聘主江漢書院訓士首重行業最喜羅孝廉鳴序能服膺師教後鳴序以州牧死苗難人皆推楨教澤之深云年六十餘貢太學後十年卒邑令閻公鉉以禮樂君子旌其廬

羅世珍字以獻能詩遊江左名遂大起由歲貢任通道訓導縣屬苗彝梗化世珍教之漸就範惜未久

續輯漢陽縣志

卷二十一

文苑

三

卒於官

江本涓字方山少食邑餽負才不羈常隻身出遊經旬忘歸康熙癸酉舉於鄉同考姜公櫛稱爲國士扶植良殷後姜卒京邸本涓爲詩哭之眞摯稱傑作焉晚得孝感教諭羈職數載鬱抑以終著述多零落僅存雲夢澤攷極該博

楊嗣綰字似山博覽羣書爲文不染時趨年四十補邑諸生授生徒多名雋爲人謹飭盛暑必冠帶口吃言他事訥訥至剖析聖賢精蘊沛若江河願以

數奇未竟所學而卒

文師汲字晉門嗜讀負氣性文疎爽峭勁詩沈鬱喜押霍里有僧友子需身營父喪師汲捐貲贖歸遇不義必面斥曉好談武奮袂低昂兩腕骨珊珊鳴欲從戎任邊事不得請乃走吳越豫章燕齊秦晉述懷弔古悉發於詩文惜卒後散逸

江遜于名穎以字行少貧年二十折節向學喜談經濟康熙甲寅湖南梗化獻策當事檄掌度支有能旣平敘功固辭殫力於詩遍遊南北名勝有作一

續輯漢陽縣志

卷二十一

文苑

四

囊論者謂在樊川郢川之間篤交誼吳門程開瀛客死遜于招其孤秉禮於家字以女秉禮力學補弟子員蓋其教也

涂僑字鄭良爲張公禹木表弟從之遊張公嘆爲畏友補弟子員有聲庠序然諾不欺取予不苟尤善相士所許可者皆有成就

方文啟字梅巖邑諸生爲體庵給諫從兄端凝和易無崖岸之行好古帖名畫藏書數千卷工吟咏未嘗畱草曰詩以適性情甯求後世知耶卒年八十

子璉丙午副榜任長陽教諭預修全省通志

錢韓雲字景琦歲貢生績學能文出其門者多名士
十應秋舉不中無子詩俊逸惜散佚易簣吟日烈
火湯中走一場爲誰辛苦爲誰忙道人了卻黃梁
夢一枕松風夜夜涼擲筆而逝

龍起鳳字韶九性傲岸人目爲狂書一寓日嬾再讀
而爲文含英咀華究莫窺其涯涘康熙乙酉舉於
鄉再上春官不第遂澹於進取焉

張倫元字天一號琴山砥行礪名居家孝友十九補

續輯漢陽縣志

卷二十一

文苑

五

弟子員三十食餼於庠屢試冠軍講學以朱程爲

宗莊蘇子史百家之書無所不讀視青紫澹如也

聞黃州陶開九名負笈三年晝夜無懈登癸巳賢

書窗課經書文梓行於世

張世任字汝眉康熙己丑進士少失怙事母以志養

家徒壁立廿旨無缺釋褐署岳州教授謹身育士

著岳陽課藝行世以疾卒

熊正笏字元獻康熙戊午舉人學士伯龍長子懷肝

家學醇晚一世所與皆知名士畱述文酒風流宏

長不愧佳公子云子二祖旋知縣次祖旂

熊祖旂字魯觀學士伯龍次孫少通六經閱廿一史
凡數過詩清新敏捷嘗限盃酒作玉蘭長句吟成
而酒尚溫生平平易坦率與人交數十年如一日
年五十七卒

王翰字東白少嗜學工制舉業試輒前茅爲諸生高
第康熙壬午中副榜一時學者多以文請質評次
謹嚴遇賞心處擊節不已著有四書心解發前人
所未發有抄本行世

續輯漢陽縣志

卷二十一

文苑

六

唐裔漢字澤元貢生工詩文與王翰相上下兩人亦

深相結學者稱王唐二先生爲文派別師承者不

問可知其兩人門徒也年六十刊文稿數百篇行

世子冕戊子舉人

王銘臣字於常貢生詩學杜甫畫蘭蕭疎淡遠得者

珍之弟銓臣工書好吟咏與其兄名噪一時里中

有二王之目

彭一楷字端樹一字秋堂貢生驚才絕艷於書無所

不窺古友詞奇麗宗徐庾詩出入樊川丁卯開時

做劍南不名一格著有畊雲堂集數十卷南海陳元孝吳門蔡方炳序之足跡遍天下所交皆一時勝流遺老其衡岳記最工曾輯天海奇觀補景純所未備

張坦諤字一士母孕時夢幃幡鼓吹送一偉人至而生康熙癸巳與兄坦讓天謨同舉於鄉再上春官不第益攻苦於古今體悉心研究年三十二病中見如母夢時儀衛來迎遂卒

江祚封字龍門七歲入家塾授書三五遍卽成誦不續輯漢陽縣志

卷三十一 文苑

七

復讀而終身不忘稍長落筆千言立就恥爲帖括章句之學未二十卽往來燕趙吳越滇黔閒詩文豪放悲歌慷慨有古烈士風事堂上曲盡孺慕與其兄垂老友恭無閒後以都門世誼除授臨安守再四躬延入幕款畱十年年六十餘卒於滇子姪扶輿還

宋世俊字大千負雋才文追古人不落蹊徑雖難於一矜而志不稍衰年三十餘始補博士弟子員益奮於學性坦率居漢鎮舌耕郡城有傳鎮上火發

約在所居左側世俊出望少頃仍還座曰居果燠我倉忙歸亦無濟不如靜以待之俄火熄居亦無恙其審定類如此及年益高學益進所著詩文制藝俱藏於家

吳若梅字香林天資豪邁涉獵今古不求進取耽筆墨工四體書嘗夢遊少華山遇羽士授秦珠鑑一冊觸目琳瑯古體文字由是以八分書名世

李能哲字惠伯號無隱又號酒龍號夢隱李仁熟孫也才思俊逸性情豪邁不屑於科第遨遊燕易南

續輯漢陽縣志

卷三十一 文苑

八

至吳越探禹穴登會稽與賢士大夫遊縱酒賦詩聲氣翕然前修省志多所裁訂有夢隱集心遠堂詩集

龔書宸字雲來號紫峯生平酷好杜詩註有杜詩同津能於拂水德水外別具一解詩亦蒼涼健壯有蔗味集弟書田字玉圃亦以詩名有閑澤堂草

方遜字玉山號懷堂又號深柳道人雍正己酉副榜任長陽縣教諭有南遊草同時有段嘉梅云是太尉後人詩亦清空流利得自然之致有寶笈堂集

如岡字喬鼎鍾陵裔庠生學問通博與里中朱相裴梓王鄧玉結謙林社以文章節義相高

李芳蕃字丹巖乾隆己未進士官知縣有聲藝苑有夢阮餘鈔詩集

阮龍光字見亭號元侯司空爾詢裔孫庠生富于經細嚴于素履遊對越吳豫與諸名下士唱酬江西蔣心畬太史以國士目之有錦江吟珠江吟第二碑紅藥齋諸稿

張萬壁字符五號柳塘庠生博覽羣書善詩古文詞

續輯漢陽縣志

卷二十一

文苑

九

於春秋譜系穿貫分晰作春秋世系通攷易石坪太史其高足弟子也著於斯堂集

吳廷珣字東美號枋原別號藕花居士吳文傳孫汝州牧宗豐子監生幼擅家學詩亦冲淡有王儲丰韻

王本部字實原號東谷老人歲貢生官教諭善畫墨蘭不輕予人縣令晉人某墨而鄙索畫屏風傲不予令怒投効歸一日過肆見有端溪老坑青華石硯細膩潤澤心欲之顧囊錢無以償旁睨架上軸

題東谷蘭詢其值倍於硯乃曰吾卽畫蘭者也以蘭易石可乎主人延人就硯磨墨一揮而就迎風

數枝瀟灑秀逸旁置拳石古瘦清蒼主人大喜治酒核將以他紙進東谷滌硯置懷中拂衣而去

徐聰字潛溪貢生博學善詩與弟志字鵠庭庠生一時有二徐之目嘗遊虎邱集唐詩紀遊一卷大江南北稱之有古槎集鵠庭詞賦清麗兼工丹青性放誕宋中丞爲學使愛其才命繕其所作代爲授梓且約計偕入都辭不赴亦不呈稿說者兩賢之

續輯漢陽縣志

卷三十一

文苑

十

有肖情集

朱在鎮字定山號蘭田布衣善書工詩遊金陵與諸名士限韻賦烏夢詩蘭田詩先就後四句云草滿黃陵廟春深白帝祠如何無住著一樣柳絲絲諸名下皆擷筆

雷烈字顯武號漪亭又號衡若庠生敦孝友究心典墳早歲稱詩與龔之沾輩五人號五若爲南州騷壇冠冕詩集爲人竊去子楚材規矩高曾深情博古蒐羅漢陽名集凡二十餘年始哀然成編

葉正達字達九乾隆戊子舉人任安陸教諭經籍淹
通文思敏捷一日成十數藝時號文虎從遊者皆
以學問顯有趙湘者字秋坪美容止寡言笑詩才
清雋亦以敏速擅長

衛天民號伯耕乾隆庚寅舉人初任當陽校官歷官
浙江壽昌貴州清溪積學能文通籍後以循吏著
文名遂爲所掩

許立瓊字鸞亭一字文木又號漱雲乾隆辛卯舉人
有溉餘集北遊集

續輯漢陽縣志 卷二十一 文苑

三

魏楚翹字及亭號松雲諸生魏晉疆之孫性敏學博
品格清癯操履篤實省試首薦者再以主試爭甲
乙見遺遂棄科舉而習岐黃詩抒胸臆能不墨守
品彙唐派漢南詩約以之殿其集

彭大勲字豫謙優廩生祖居漢陰山後移居蔡坊幼
卽手不釋卷比長學益充文筆高老理法清真言
皆有物十八入庠二十食餼設教漢上砥礪名節
人敬服之著弟子籍者多授科第以去小試每與
彭大成爭甲乙時人語曰漢陽甲乙兩大專之日

爲熊劉後勁惜早卒子振華擬刻其文未果亦卒
龔之沾字恆若號條塘府學生持已治家一準禮法
博通古今能文章善詩歌與張嵩若唐岱若吳華
若雷衡若結會漢陽江漢書院山長王遠池太史
張柏山中丞咸器之一時江漢知名士凡十六人
而五若其最著也屆鄉試分校官皆龔出其門下
惜七薦棘闈不得一雋有條塘藏稿三集亦圃詩
集一卷碧山詩草一卷

續輯漢陽縣志 卷二十一 文苑

三

易雍字邵子諸生幼讀書山中不干吏祿唯研精於
五經暨論語孟子取儒先說之精粹者抄錄成帙
筆法嚴整尤粹於易於理數諸家輟輯聚訟者譯
言微中理境融如遠近就講者如市疑難無不發
之覆註有易經心詮行世

戴喻讓字思任號景臯弱冠卽以詩古文鳴於漢上
乾隆七年辛酉受知於陳星齋詹事撤棘人皆以
得人賀之蓋喻讓踐名場執牛耳者已十餘年矣
再上春官就房縣教諭保薦擢山東惠民縣令益
肆力於學上下古今穿貫史籍有聽鸛堂春草吟

春聲堂各集行世

王文甫字傑門先世陝西蒲城以業鹺移家漢上孤介自許與人交坦白平易耽吟咏手右丞集一卷嘗曰學有承貴得其清矯淡遠之致又性嗜友朋交酒讌會無虛日家以此落嘗有句云榮貴違兒願家貧使婦支人以爲達好施予不少各有不能償者輒焚券蓋其性然也有挹樓露軒詩集

張萬石字長人明張省甫之裔孫幼讀書通夕不寐博通經史敏於爲文應童子試每題輒作二篇一

續輯漢陽縣志

卷三十一

文苑

三

日成十四藝真草備具文筆雙美學使宋綱師謂

人曰此行書廚也補諸生旋食餼未三十卒著有

邱麓詩文集周易講義未刊

尚錦堂字香雪居漢口性不苟同所訂交終身如一

於後進有小善誘掖獎勵有小不善卽加以聲色

如訓子弟者然人以是多之屢試不售遊豫章以

詩酒自娛有東遊草

彭炳南字星衡庠生善歌詩嫺詞賦屢試不第與尚

香雪盧澥春唱酬刊有綴閑詩草曾館於僻壤度

重陽有籬空黃菊少酒罄白衣無之句年五十卒有吳錫者字書山亦善詩工隸言行不苟馮國瑞

居漢上不慕榮名亦能詩有三道人詩稿十卷

黃從龍字子雲歲貢生性嚴急遇後進喜曲成日講

手畫於四子書極精研兄鶴鳴成進士任教授同

以文名噪於時鶴鳴尤長於詩

胡德潤字身川乾隆己卯舉人任知縣改監利教諭

纂述最富於有明制藝手選二百餘首皆摘其疵

類其攻苦有人所不能及者子五人少子長光應

續輯漢陽縣志

卷三十一

文苑

三

童試有聲相繼卒

徐士玫字璠圖康熙三十七年歲貢任鄖西寶慶訓

導性嚴正訓諸生有法於貧者不受贅歿之日諸

生中有圖像以祀之者

徐大麟字廣亭性耿介族中無嗣者合族析其財產

大麟不受乾隆辛卯中副車爲應山校官文字詩

歌多爲人傳誦有楚存草一卷

李璠字東山庠生性謹嚴學淵博書法顏琅琊碑版

屏幃爭以得其書爲幸教子弟尤有法人爭延之

彭湘懷字棟堂監生博聞多識於邑中掌故尤究心
前邑志半出其手善詩古文詞屢蹴棘闈一時提
衡鉅公比之蘇文忠之於李端叔而棟堂殊不介
意薄遊吳越再至都門出居庸至俺答舊部山川
閱歷詩筆益高有三山遊草西湖紀遊獨持臯廡
諸集弟榮字亦堂詩筆清絕有輟耕吟畫亦澹遠
有致漢上稱二彭云

姜昆字山峯嗜經學於先儒注疏及宋元以來詁經
之辭研究鈎沈穿穴貫串而衷於一是漢上譚經

者首推之

柏勲字功一武庠生文章奇偉書法迥媚課子弟書
史不沾沾於時文帖括是能以根柢爲學者

廖大椿字東臯庠生爲時文宏深肅括高抱羣言桐
城張愷次宮詹秦裕堂太守課江漢擊節賞其文
名噪一時攻苦得疾死無子遺稿亦不存

程殿璋字奉莪庠生勤苦好學頗有著述無子文集
散失

黃祖崑字問源詩文清利四試於郡守咸冠其曹事

續輯漢陽縣志

卷二十一

文苑

三五

親孝友信博士師將舉其優行未上病卒

江大忻字士徵幼業儒屢試不售益學爲詩古文詞
鉢心轉自司文衡者厭薄之其蘄至於古人之心
益厲遂發憤而卒

聶顯庠生幼慧經書成誦後即能言其委折以優等
食餼試輒冠其曹三薦未售以訓迪後進爲事寄
居僧舍啖棗度日讀書不輟著有分國左傳楚史
晉乘一望釐然易經纂義取前人精義薈萃成編
年五十四卒

續輯漢陽縣志

卷二十一

文苑

美

李漢滋字卓雲幼穎悟讀書數行並下弱冠補邑庠
生作文自成機杼晚年沈酣經籍凡廿一史暨諸
子百家皆纂要成帙家貧未付剞劂長子鑑食餼
郡庠無書不覽爲文渾厚工書法名噪一時刊有
凌澗閣制藝三入堂詩集世居懷二里水洪日子
孫多列膠庠

楊律字季同號菊淵雍正癸卯舉人喜攷訂著有六
經井見多古人所未發者謁選陝西郃陽令以儒
術飾吏治改官鹽大使在長蘆數年致仕歸以著

作自娛年九十六卒

陳時樵字敬哉號耕原少孤力學工古文尺牘有晉唐人風度尤擅詩篇遊中州登臨弔古慷慨淒涼有王處仲之風著貞米紀程等集

瞿謙字吉人博學多聞詩亦工與王來碩集詩社名噪一時著楚書王柴涵爲敘

江巽堂江孜子幼有聲場屋詩賦尤擅長制院考古學冠兩湖旋以優行貢成均未幾卒

張惠邑庠生聰穎絕倫讀書十行俱下試輒冠軍秋

續輯漢陽縣志 卷三十一 文苑

五

闡擬元數日主試欲以他卷易之本房忿遂索還其卷揭曉後告之故惠亦不以介意歸渡江船首閱文忽緯斷舟橫飄沒

張任湛號雪崖歲貢生長於詩有月湖百詠

夏之勳號芳原恬澹端飭性嗜金石文字博綜淹雅能詩工隸士林推重歲已已汪稼門制軍聘書耕

織圖進呈

乙覽刊有載酒園詩話律韻辨通行世其先大父石壘江右人好吟詠愛交遊一時名士互相唱和晚至

楚愛晴川山水之勝遂古籍漢陽買田歸老馬著
有煙艇閣詩草

俞焯號勉齋少穎異於書靡不窺補弟子員有聲旋食饒家貧授徒門下士多拔巍科以去年五十以明經卒所著詩文待刪

吳仕潮字鳳浦父其奎多懿行仕潮篤友愛嗜學不倦工詩古文詞著有滌器軒文集野餘閣詩草尤喜激揚善類同邑李以篤王戡彭心錦文師汲汪穎先後以詩名仕潮輯爲漢陽五家又有彭湘懷

續輯漢陽縣志 卷三十一 文苑

五

者詩集散佚亦爲付梓其與人爲善類如此

李鑑字學疑雍正時廩貢生屢試優等著有凌滄閣

文稿尤工書筆力適古曾題漢陽鐵門關橫額天

地正氣四字

吳志遠字超陵索河人賦質遲鈍苦心鑽研百倍其

功博聞強識卽旅次舟中嘗手一卷吟唔弗輟爲

文渾灝詩古文詞皆精好書法摹顏米王董諸家

罔不畢肖弱冠補弟子員食饒歲科輒冠軍數奇

不遇齋志以沒

吳自遷字子喬索河人性聰穎讀書等身攻苦不少

休值大暑蚊盛以燈火匝帳中吟唔達旦工詩律

古文尤精舉子業著有環山蔓草全稿

吳遠鴻字子達索河人初授書卽能文塾師驚爲異

才及長子史諸家靡不誦習其最嗜者方樸山稿

故所作多相肖尤力學不倦嘗於吟咏自得時家

人進饅繼之以飴乃以饅醮於硯而食之食竟唇

齒皆墨而不自知也

吳遠達字子九索河人少穎悟好學叔祖銘常由郎

續輯漢陽縣志

卷三十一

文苑

三

陽司鐸解組歸於諸子姪輩中獨稱其文弱冠遊

郡庠考辨註疏博通子史披研無間寒暑中嘉慶

丁卯舉人同時如宋瑤溪林穆堂諸名下皆與爲

莫逆交咸敬服之

葉志庠字伯庚精容成大撓之術推步考驗窮極杪

忽試欽天監算學第一補肄業生性耽寂靜恒兀

坐一室手一編不窺戶闕於九章六筭心解神悟

當其沈思雖雷霆當空不之聞泰山在前不之見

也積蠶數寸未及成書因是以癸卯年甫二十有

八

朱衣字柳塘邑庠生性孝友慷慨有君子風著有尊

道堂文集詩集並醒世詩其弟如白字曉東工詩

律尤精書法以漢唐隸名家安貧自守人稱二難

王承道字春帆歲貢生性耽經史博洽淹貫無書不

讀工制藝稿甫脫傳誦遍江漢詩古文詞卓然名

家生平投徒爲業親其口講指畫者半膺青紫著

作甚富燬於燹士論至今推重之其配劉氏漢川

劉珊之妹能詩文工書畫有閨中唱和集亦不傳

續輯漢陽縣志

卷三十一

文苑

三

劉傳瑩字實甫一字茱雲 封徵仕郎正柏之子資

稟絕人四歲能爲詩補弟子員食餼猶髫齡也學

使吳其濬賦詩獎之目以奇童道光己亥舉於鄉

考授宗學漢教習國子監誠心堂學正爲學初熟

於德清胡渭太原閻若璩之書篤嗜若渴治之二

反既與當世多聞長者遊益得盡窺 國朝六七

鉅儒之緒所謂方輿六書九數之學及古號能文

詩者之法皆得要領采名人之長義與己所攷證

雜載於書冊之眉旁求秘本鈎校朱墨並下達旦